

大事志

大事有表棟高顧氏宋呂祖謙名大事記先民有言斷章取義其名或沿而例各異遺事流傳薈萃成編理亂之故興罷之年萑苻之警天人之愆恐懼脩省如鑑誠懸纂大事志第三

唐初置永泰鎮治大樟

永泰二年改置永泰縣

徙今治一云大歷間改為縣

宋崇寧元年

(通志)作崇寧九年

改永泰為永福

避哲宗陵諱

乾道二年天寶瑞雲寺石橫山而行齧地成溪石上復生龍爪花

是歲

蕭國樑魁天下

四年游洋民鑿井二丈餘得石有文曰石上狀元

明年鄭僑及第亞之者為石清源石

永泰縣志

卷二 大事志

起宗

明洪武四年山寇溫九抄掠鄉里有司捕之逃去尋復來寇義士楊

惟義率眾圍獲之

正統八年沙尤鄧茂七作亂福州山賊因之攻劫諸縣永民死者不

可勝計

先是西北鄉民有俚言曰今日躲東嶺明日躲西溪飢寒我自忍何以掩兒啼又曰山深猶未深谷幽猶未幽莫落

悍兵手寧吞猛虎喉至是始見(見韋治雜錄)

十三年尤溪人僑永者以眾應鄧寇先是尤溪貧民傭於永永人奴

隸遇之至是率眾侵軼我邑所過屠滅井里為墟

成化十九年六月大風雨拔木壞公署民居

二十一年三月雨至閏四月不止大水泛溢民多溺死

正德十二年四月地震是歲凡五六震皆有聲

十四年雨雪平地五六寸高原至二三尺

嘉靖三年始城永福縣

五年正月至四月不雨知府汪鳴盛奏蠲是歲租賦

十一年雨雪犬皆吠

十八年四月颶風大作屋瓦皆飛

二十一年三月雨至閏四月民多溺死繼復大疫死者無算

三十三年大飢巡按御史何維柏賑之

三十五年有海驢精迷人犯者多死民間晝夜擊金鼓防守月餘乃

絕

永泰縣志

卷二 大事志

二

三十七年李樹生桃

三十八年五月五日倭寇突至屯於汛口適兵備使者由泉州將千餘人入會城假道於縣經宿聞倭至急引兵去知縣周煥率士民留之弗得獨留浦城兵二百人煥乃集民兵與浦城兵分堞共守寇環攻之急東南民殊死戰寇中藥矢死者百餘人勢少却會浦城兵守三舖者先縋去西北二門守者從之三舖及西北民皆從之寇由三舖上城遂陷時五月十二日也日已晡東南民尙力戰然勢不可爲矣煥與鄉宦黃楷林居美諸生林槐林大有義士謝介夫黃浩張麟皆戰死時浦兵有善大有者挽之使去大有嚙其腕絕之遂遇害

林大

畜永福倭變記明嘉靖三十八年己未夏五月十二日倭千餘攻陷永垣時知縣周煥由歲貢歷訓諭新任斯土典史趙誠入覲回至尤

溪聞警觀望不與難先是倭掠洪塘有僧永界匿者賊因尾焉周令燒城外屋絕賊巢獨廖廷杖重光寺僧賄用事林向芳屋存且供賊賊棲焉累檄千總林泰兵至鄭坑不及適委浦兵三百而去倭戰回兵千餘知縣摺紳百姓咸再四懇留不聽委浦兵三百而去倭戰逼城周令以民間浦兵守令巨家供西北富民曹大輔梁杰張元仲柯榮張宗鑾等以惡具餉兵怒曰毋攻急即縋去不汝守也西北聞之豫為去裝獨東南兵民協力効守城中流矢畧有死傷且鳴螺自去矣適東樓伏郎機失火煙漲西北兵謂攻將陷縋去訓導黃紹夔監生張宗堯守西門相率空西北從之賊乘勢入時申刻也東南守猶力覺始奔匿焉周令東樓被執至新安井支解印失同時死者三百餘人紳衿則林居美林訓黃楷黃槐林大有編民則黃浩張麟等皆東南出死力所以罹禍獨慘也計燒民屋六百餘間及縣堂三城樓烟火連天再易日賊去半舟半陸擄男女百餘丁口永遂荒矣初周令實縱民匿賞囊遣生員顧潮運出庫金亦別移折色米石斗級領出支給訖恃千總與兵備道故遂及於難可概也夫抑又聞之時凡二日風外向是午反風蜻蜒蔽天賊作虎吼聲東樓殺狗厭之犯道家忌遂失火攻城造甲申道家謂殺在已午未據歲月考之固未年午月未日也陷始申方時又申刻信然耶否耶方監司查覈功罪未詳余何敢言第據事直書以示後守城者且以慰九京也是為記(錄)復川林氏家譜

永泰縣志

卷二 大事志

三

倭既陷永城其黨分掠各鄉燬白雲三峰寺唐咸通二年建寺僧百餘衆殺戮殆盡掠其貲以去

四十年潭人王鳳以種箐失利聚衆據二十八都為亂不旬日至數千人監司發兵擊賊糗糧不足百姓皆逃匿獨利洋人鄢俊出家財持詣軍壘給食兵得無飢俊又散家財號召邑中豪傑得六百餘人自詣縣請擊賊乃率衆迎賊於九龜里與戰殺數十人俊亦身被數創而死明年巡撫劉籌遣將滅之西北諸都殘燬蕭然

四十三年八月大水衝壞城郭田廬人畜多淹斃者

萬歷十六年靈芝產於知縣內宅一本三華燦若錦綺十七年十八年皆產

年皆產

年皆產

年皆產

年皆產

年皆產

年皆產

十七年正月汀人邱滿聚衆據陳山爲亂知縣陳思謨請於巡撫趙參魯遣把總王子龍滅之

十八年烽洋小姑西林赤皮赤水諸處箐客會盟爲亂而烽洋賊曹子貴包二等先發建旗殺掠屯於大埔之碣頭知縣陳思謨與邑人典儀張仕朝等乘其未會率鄉兵勦滅之

四十一年大水壞城郭田廬有刀星現

崇禎三年水

十七年七月朔夜大風拔木空中隱隱有兵戈相關之形

清順治三年八月邑寇陳乃孚爲亂乃孚名君陞本長樂人冒入永庠素見凌於豪族時唐王據閩乃孚集亡命千餘人以勤王爲名

永泰縣志

卷二

大事志

四

陰欲修怨於永二十一日乃孚屯兵重光寺託言操練有知其謀者大呼於路曰乃孚反矣人皆驚竄城門遽閉乃孚見事洩遂放火斬關而入焚縣劫庫素有睚眦咸遭屠戮知縣明宗室朱由楨闔門皆死於火由楨被執不屈死之十一月四都寇黃關周等又擁衆攻城殺乃孚一家焚其居室知縣翁曰賓死之

十二月邑寇趙子章攻掠白雲居人遠避賊盤踞四閱月飽其所欲乃盡焚廬舍而去

四年七月有大星隕於西聲如霹靂又虎豹傷人

五年大飢山寇陳思皇陳德培四出劫掠攻陷城池縣主周星柄逃於花壺巖殉節

七年正月大雪盈尺

十年三月有白氣如花如毬飛揚滿天良久乃散

康熙二年閏六月大水十月彗星見西方百餘丈

十三年三月山賊陳德元老虎三馮駭二乘耿精忠反攻城焚劫見

城上有兵戈鐵馬火光燦爛蓋神兵也不敢攻而退

十九年大飢七月大水流重光寺二門金剛廳東鎮樓流民載道知

縣董治國請發倉穀在重光寺煮粥賑卹十月彗星見

二十年大旱禾稻絕收

四十八年坪街火

四十九年旱大飢十一月火焚縣東門外文昌閣江續旱災行我今號泣呼穹蒼胡爲

永泰縣志

卷一 大事志

慘降此災荒田禾稿死人流亡窮黎烏有顆粒藏容秋歉收米價昂道殣彼此遙相望今春二麥喜登場耕氓鼓腹幸小康四月之杪雨沱滂乘水翻犁徧插秧繼以耘籽頗忙忙詎意從此日亢陽咒龍鼓角喧禱禳吁嗟旱魃太猖狂焦金燦石火繳張罨田燠乾龜坼長雖或微雨灑甘漿禾復抽青蘇焦黃無如烈火炙猶強款陽駁駁生角芒再發三發起復僵枯莖不實盡糝糠傍溪一帶近水鄉枯槁梯上挂山梁其奈五里十里空倉箱從茲皇皇涓流早已竭池塘可憐三時作苦脫袴裳有秋失望空倉箱從茲皇皇涓流早已竭池塘掘草日不遑如此赤地遍村莊飢民何以度星霜安得揀荒大力濟時方一爲援手起痍瘡積財積福試婉商我言未已墮落涕雙行見章治雜錄

五十八年大水壞臺口永濟橋

雍正十二年七月泮池上聚五色雲精華層擁祥光耀目

乾隆九年十二月二十三日余德海倡亂劫奪十九都白雲殺增生

黃正拔二十六日知縣駱騏駐防千總趙才巡檢傅幼學擒獲之

十六年七月十四日颶風大作飛瓦傾樹

十七年七月初八日東門外大水

二十年春二月雨雹

二十一年東門外火

三十五年大水衝決堤岸

五十年八月北鄉清涼橋圯於漲

五十三年正月二十九日大雪

六十年四月大飢斗米易錢八百文

嘉慶二年秋霜隕禾穗

十二年南鄉虎患

永泰縣志

卷一

大事志

六

十三年九月初十日東門外火

十四年七月有大星從東墜及天半分爲數星隕如雨

十五年正月初二日雪如掌色赤

十六年八月十七日水漂民居無數

十八年有秋

二十一年四月清涼街火

道光五年九月地震有聲如雷民居多損壞

二十二年七月大水淹民居廬舍倒塌城中水入縣署乃取頭門永

福縣懸額投巨浸中水勢始退

咸豐三年德匪林俊倡亂四月陷德化五月初十日知永福縣劉用

錫偕憲委王師儉張德靜帶勇二百名赴嵩防堵六月二十日斬
匪偵探於壽春寺

是歲飢

四年大飢斗米價錢九百文

七年德匪竄擾各處知縣劉用錫協全委員陳春熙遍赴各區諭辦
鄉團並於張地築礮臺禦之

同治三年七月初七日嵩口水園地百餘畝變為深潭王森芝秋漲

飢民來糶蓬萊屋溪之隈忽然連日雨不止溪流暴漲疾如駛倉
皇避水移城頭飢民苦旱今苦水旱魃為虐苦難言淫霖如漏尤
聲吞土人哭道稻將熟新穗泥
塗波底綠見憶嵴山房集鈔

八月彗星屢見

永泰縣志

卷一 大事志

七

十一年春陰淋彌月鹽價湧貴

光緒二年三年連飢

十六年五月二十八日三十三都小溪大水計流棺木一十九具漂

沒人口百餘壞田地千有餘畝知縣沈俊親赴該地勘災頒發賑
銀二百八十三元省賑濟局陳景

詔頒發賑
銀三百元

十八年十一月二十九日大雪積地三尺

二十六年六月大水壞廬舍陂塘

二十八年夏旱鼠疫作自是連歲苦疫死者枕藉疫之作也鼠必先
斃故人呼為鼠疫

宣統三年七月十一日有黑雲起天半團團如車蓋最後垂尾數十

丈搖曳空中閃爍眯目

民國元年八月初一日一都水漂店屋無數以舊歷紀下倣此

三年二月至六月德匪連劫三十六都上南山鄉下南山鄉及湖頭

嶺兜石塘等鄉

復更永福為永泰以廣西亦有永福縣故也

四月初八日三十六都長潭村杉木廠獲尤匪池阿安兄弟兩人暨

蕭阿富等即時解送后亭營劉連長處劉派隊押回尤邑中村就

地正法查池阿安係匪首蘇億偽南營將

六月初二日尤匪蔣子游陳子江林德煥等劫掠三十二都蓮坑鄉

侯坦書等計居屋被燬六所辦團生員侯占箕遇害擄生員侯海

觀暨侯方招等五人

永泰縣志 卷二 大事志 八

二十三日三十二都大埔鄉協全長慶上洋嶺兜東洋等鄉以鄉團

攻后寮匪巢斃匪十七人團兵陣亡十二人傷亦十餘人時陣亡者林德

邦林聿發林聿新魏在達張堯智葉堯輝朱乾定朱道珍朱釗滿侯國運葉春木魏尊厚四年五月收其骨歸葬大埔之南標其碣曰義民之塚

七月獲尤匪林崇取洪阿言張德泮張阿蕭均槍斃

十一月二十八日匪掠赤嶺鄉殺居民林登源

四年春尤匪焚掠赤嶺鄉上滌鄉

三月十七日尤邑匪首蔣子游張來源被獲送省正法

六月十三夜匪掠三十二都溪兜槍傷三人斃一人

秋德匪蘇望舉尤匪林德煥鄭麒麟等連劫蓋洋鄉殺居民鄭宴章

等四人燬鄭姓屋四所

五年七月二十日午後有黑煙如豕入沙灣方阿燕家旋越鄰牆張宅而下轟然一聲風雨驟至屋瓦皆飛烈焰蓬蓬從屋梁出不數分鐘已成灰燼

十二月十六日西鄉澗冰

六年二月十八日德匪陳阿居方金水李丁貴劫掠三十六都彭坑鄉斃許其福一人

閏二月十六夜德匪陳阿居擄蓋洋保董許宴瓊等嶺頭坪鄉團聞警奔告王連長明福王卽督隊堵截瓊獲逃歸

七年正月初三日地大震

永泰縣志

卷二 大事志

九

春旱自六年九月不雨至四月乃雨

清鄉保安隊第二營營長孫國鎮未就撫以前嘯聚數十人夏初據白雲鄉之獅子巖兩宿拔隊去旋擄大洋鄉居民兩人五月入莒蒲坑鄉保董羅如雲張錫章集鄉團數百禦之被傷一人北區團總王紹沂馳謁知縣唐蔭爵連長鄭震東合派兵警協勦孫遂竄伏隣轄然出沒無常五月二十九日復進攻大洋鄉與鄉團相持三日夜孫潛遣心腹間道入張錫章住宅燼之衆心始慌遂奔計燬民居七所槍斃李秋懷一人十月十二日官軍敗之於九老坡僞排長金姓戰斃二十日孫欲吞併羣匪而有其衆誘斃王克勳卽十及其黨邱十六王章端王火四邱森官侯轄小葉鄉俗呼麻

先生等六人馘二人而八都十七都十九都六都七都一帶蹂躪幾遍至十二月始就薩督辦鎮冰撫界以今職

是月股匪蘇萬邦賴成源蘇國忠等六百餘人由長慶攻大蓮洋團總林昇祺保董葉珪元連戰八晝夜擊走之大埔蓮坑上洋等鄉賴以保全

七月十三日太原林峰自稱奉有粵軍委令聚眾東北其黨王克勳何步青王欽等應之擁眾數百擊溺鹽商三人以爲縣城唾手可得唐知事蔭爵遺鹽緝隊擊散之擄林德元林德鰲邱十三處以極刑

八月十六日有粵軍旅長杜姓營長朱姓入嵩口鎮據之時汛口后

永泰縣志

卷二 大事志

十

亭蓋洋下滌白口等鄉計被燬民居九所

二十九日股匪涂飛龍陳和順黃興賢賴成元等燬西區文藻鄉居屋五十餘座

十一月初六日股匪黃進興陳和順燬西區民居六座復同涂飛龍梁繼星等燬長壠民居七座擄女孩一人官路鄉兩所巨屋亦同時被焚

是日粵軍司令蔣中正兵入縣城以書記官莫昌葵攝理縣事十二日官軍克復之

十八夜匪槍斃二十九都居民四人

二十日官軍克復嵩口

十二月筍出地成竹

丹洋鄉匪首張鴻慶

即六八

聚衆分掠巫洋燕宿坪白箬隈等鄉營長

孫國鎮敗之於坑頭俘其黨八人二十日駐葛陳連長偵獲之八

年正月初三日在縣城正法

論曰三代之治五季之亂興者祥亡者妖天時人事之戾常休徵咎徵如詔如示人人能言之也白起長平之坑劉石河洛之戮回訖長安之焚耶律德光打草穀之虐金幹離不宋汴之殘黃巢方臘劉福通李自成張獻忠洪秀全輩所至燔掠死人如亂麻人人能言之也茫茫世變莽莽興衰上下數千年縱橫數萬里熟通掌故者若屈伸指而數庭樹而獨至咫尺之地眉睫之間紀載闕如老師宿儒不能詳其一二君子憾焉永泰地磽民貧宋元以前無苦大盜者明祚中衰倭患遂烈藪澤之雄又嘯聚憑陵遠近之逆奴凶豎懼罪逋逃者倚爲窟宅醜類雜居淫虐並起恃險阻聚亡命出則刦掠居則吞噬比比皆是謂治亂非天數耶則蛇鬥於門

麟獲於狩左氏之說不誣也謂皆天數耶則高宗正厥事周公代兄死宣王側身脩行早不爲災之應不誣也世異時遠傳聞異辭繙閱舊本每有相顧撫掌大笑絕倒者後之視今猶今視昔彙存之俾數典者資攷証焉

山川志

城郭都市與時推移山峙川流迄無窮期或蘊藉之或潏洄之屏蔽
奧區宣鬯化機攢而如笏抱而如帶標嶺雲間安流煙外奠高濬深
任土所麗山川邱陵地險攸賴纂山川志第四

山川總

官明曹學佺永福山水記閩中永福縣是一山水窟東與侯

里其上則水為溪石皆錦色樹欹斜而古多叢竹水盡見潭潭在谷
中其在水旁居十之二翰之子孺讀不可蔽風露地稍深有土有
石室在水居十之二翰之子孺讀不可蔽風露地稍深有土有
傍可以室者也與水同巖巖覆不可蔽風露地稍深有土有
幾株頹楹敗址遺構宛然徑若蛇行若累石以措足始可達相對
有一小嶺可觀水簾嶺亦竹叢也水聲入竹中如裂繪坐嶺上對
皆溼水到避之不及水傍之室不可方物也出龍潭以其在巖頂可狎
水勢必至半腰乘風始驕不可方物也出龍潭以其在巖頂可狎
巖亦有水簾有石室高可以彼則深可作內外堂奧廣可作東西寮皆
水簾為客也巖之高可以彼則深可作內外堂奧廣可作東西寮皆

永泰縣志

卷二 山川志

石室也室內石乳盤如龍尾泉滴其上石室之東為水簾水簾之
下有小石室曰靈羊谷宋時黃非熊讀書於此其勝為十景如
玉泉鐘磬仙芝仙掌之類亦有水簾石室之高蓋山之石室東
巖越縣以西有高蓋山亦有水簾石室之高蓋山之石室東
相及紆徐蜿蜒塞則巖而開則為室其泉之散者為珠併者為
總之一巖耳始未有路必緣崖而下後有路從石門中出閩王
尺無傍枝樹之開也傍有小石門通外容一以十數入門有樹
耳徐君壇在西室有龜嶼石棋枰對立相傳此龜為徐君所叱也
東室有水簾蔽之水簾之外有古杉樹蔽之杉樹高與水簾接其
首禿其枝下垂說者以為倒植亦徐趙手跡耶過水簾有飛閣是
此巖盡處與石門合為二千級雲霧晦靄樹色蒼鬱從外望之
不見片石也出高蓋山則為方壺方壺純乎巖也魚形似故名愈
閣背巖而他縣山雜在閣前水自巖湧出為池有魚脚而神可愈
人疾亦有石室在巖頂自荆榛中得王出寺而斜繞始可到所望
益遠有石大士像甚端好荆榛中得王出寺而斜繞始可到所望
蓋俱有用文題名此獨碑想難為功也出方壺巖為龍潭方壺
者以閩王葬宮人處又曰雞巖白巖內見有金鷄飛出也巖獨
南嚮高燥爽日澹可遊可居有石門古樹如高蓋臨他縣如方壺
其地風涼而日澹無時而不秋也心甚樂之由此可達江山與侯

接距東而極西矣其南而與德化接者為泐溪而質軟無橫窄可濫釘筴
一縫百有十餘灘其號最險者數可三十而止自泐口抵瀨下
凡三及數里有聲轟然如瀉水壑中又下為雷瀨如驚石板水搏兩崖
將及雷瀨而下曰大毀峒溪左為巉巖其右為卵石板水搏兩崖
地噴沫如雪旋乃出大毀而為三四灘聲如洪鐘舟過浪腹中
浮沉簸蕩良久乃出大毀而為三四灘聲如洪鐘舟過浪腹中
中若瀾銀沸雪坂有巨石踞立如蟾蜍狀其下即鼻前灘亦云沸
處為蟾蜍瀨瀨上有巨石踞立如蟾蜍狀其下即鼻前灘亦云沸
前一水勢比諸灘特大洪旋激山根震動頭岑進纜十餘丈牽墜上
者一纜而四五人牽之氣力盡乃得尺寸進纜十餘丈牽墜上
緊縮若小指大則疾矣去數刻許而松風蘭徑者取之行數
逢逢然者曰大腎其旁崖石上特多萬年松風蘭徑者取之行數
里經十餘大瀨忽有巨石坎而下若墜而更躍然者為鞋灘丈過
澎作萬鼓舞舟蜿蜒射石坎而下若墜而更躍然者為鞋灘丈過
灘可三數食頃稍進至赤錫重亦亂石鱗次奔重者赤錫諸流奔
屈雪浪中十餘湧始定未幾而奔重者赤錫諸流奔
而會焉舟急不能坦流忽從上脫下如階級為大毀舟過浪壓
巨石如阜峙溪中流為門者三濤勢洶湧十倍於大毀舟過浪壓

永泰縣志 卷二 山川志 十四

蓬頂即前後舟不相覩也其繼為倒甕於是溪分爲二右分者悍
激湍怒屈曲數四環出穹巖後而會於下流名曰倒水上下由之
左分者裂石徑入將下處旋轉出沒如車輪又近崖多暗石膠舟
故舟過必取道入倒水稍疏手足即為泡沫之屬自泐口而下至
此稱極險過此舟輒相慶出倒水阻溪上狂瀾急射之舟福縣治不
以須臾易此以敗毀離八港亂石阻溪上狂瀾急射之舟福縣治不
可多敗離此以敗毀離八港亂石阻溪上狂瀾急射之舟福縣治不
潭上為古松狀如龍爪王用文鑿赤壁二字過瀨時同林熙工玉於
江為龍潭之路即東與侯官接者予遊龍潭時同林熙工玉於
生陳維秦遊方廣蓋方壺巖時同姑蘇沈從先予勸從先詩
成即題於壁使孺人知窮僻之地亦有外方來遊者若泐溪之路未
會親歷則陳幼孺往其外家重述而予為其詮次如此舊志按茲
記叙山處第就經遊者言且重述而予為其詮次如此舊志按茲
志宗周覽山賦以此後叙各灘流特險拱衛羅於此舍譬如居寶
所得寶不論價我昔披圖頗以生撰疑畫師何知不躡眉頂不過
之乾坤磅礴鬱結不可測地險山川邱陵無如斯不躡眉頂不過
湖灩澦堆閩州有武夷建灘亦奇絕對此有飛泉漱石聲如雷未從
十步九徘徊上有排空疊嶂翠欲滴下有飛泉漱石聲如雷未從

侯尤分疆域早已流峙窮雕刻形高天勢低勢阻地形窄下視皆
兒孫中間森劍戟西北萬笏劃遙青東南一篙碎濃碧當頭對面
影相向離奇滃鬱詭萬狀或如屏障或衣帶驚崖怒濤相下上山
玉局携琴彈出高山流水音衙
齋醉倒杯中醪見韋治雜錄

山

磨笄山 在八都離縣五十里山自尤溪發脈至永之赤岸鄉突起

一峰靈光誅宕景物離奇風雨晦冥移步換形不可方物蜿蜒磅

礴萃於縣治爲一邑之祖山與名勝門叅看但名勝詳異境古蹟

此詳形勢險要以下倣此參舊志明林廷選磨笄山詩信耳不

覽萬里徹雙瞳石色寒斜照橋痕臥霽虹晚風天外勁知是大王
雄見蟬巢集清王惟豐磨笄山詩我家磨笄東出門山在目青
冥倚天開履鳥穿雲宿矯首星辰近低頭心目肅但覺風颼颼多
寒而少煥側進緣穹蒼人勇我則縮諸峰一何小兒孫競屈伏不

永泰縣志 卷二 山川志

十五

敢高聲呼恐帝謂予讀願言寄
餘生分此山林福見陔南詩鈔

登高山 由北磨笄來爲城中主山其最高曰鸚峰餘詳名勝參

舊志 宋陳武祐登高山賦禹績茫茫畫野離疆於百千年奄闢閩

海之昧目愧塵宇之多鄉我不屑於此來墟氛埃於簿書之場西
風滿扇市人如蠅揮之不可衆來成朋嗟世緣之滾滾峻闊步於
蹇騰噫吁嘻永城之葛爾而登高山之卓爾也尤溪發脈越數百
里突如其來遽址於此磨笄峰爲其祖山極樂巖祇其餘氣東臬
虹井其所肆之筵大張展旗其所憑之兒迴環下矚萬類在目非
衣岡而足流孰居石而遊鹿羗吏塵之染人消豪氣於積牘得徑
委延于山之麓有雲在空有御爲風舍車而徒風雲孔從屐齒未
折盃酒不豐登然足音歛出谷中引聲而呼昊蒼可通鏘鈞天之
遺響悅霓裳一曲之譜諸廣寒之宮莽蒼際天青紫碧聯雉堞以
北松植其巔挺者人立仆者龍眠俯而毛鋪仰而蓋圓魄朗曦升
景光目前其或宿霧朝嵐糊空縛山漠漠漫莫知其端繫城野
之不分極宇宙之大觀官事未了倦飛媿鳥帝顧我以一笑仙其
蛻乎物表念人煙之周遭瞰塵寰之渺杳憾
羽翼其未生曷禁予懷之悄悄見蟬巢集

高蓋山 西離縣四十里石壁奇聳道書稱為第七福地閩王郊天

封為西嶽餘詳名勝(舊志)

清王輝章紫蓋放雲峰詩杖頭杖雲來雲去何所之是峰還是雲紫氣彌

西陲仰捫星辰近俯瞰煙霧低雲容亂眺曙雲氣沾裳衣其陰蓄雷雨其陽靄煙霏萬態窈冥中明滅誰端倪磴道絕岩堯洞壑紆透迤蒼然峙天半不受風塵縑夙聞茲山名遐想愜襟期何況陟其巔八表供支頤草草去復還恐為山靈嗤自不早投簪名山願孰違(見緣情集)

陳山 離縣四十里有石如龍亦名石龍山其脊有路直走興化(

舊志)

小天台山 在八都距城六十里屹立天半望見洪江及省垣雙塔

餘詳名勝

清林芳小天台詩同是天台路偏多古木陰寺荒疑日暮葉落識秋深江遠沙痕白林幽鳥語沉夕來涼吹發

蕭颯旅人心
(見斲輪集)

辜嶺 離縣四十里舊置巡檢於此(舊志)

天竹嶺 東一都由羅漢入道通閩縣

通天格 西離縣二十里其巔可瞰縣城

明陳朝錠通天格望城中詩俯視盤庖也都京安足

云人煙明夕照雉堞盪層雲路向盡頭覓天從何處分近關二十里蟻垤笑紛紛

張地衝 西南離縣一百七十里沿大溪泝流而上為梅德永界

後亭衝 南距縣一百八十里為德永界

梯頭格 北離縣七十里漢朱買臣所云一人守險千人不能上者

也為侯官入永孔道

鷓巖 在北前山鄉離縣七十里為侯永界

清王森芝登鷓巖詩北山高者摩青霄磨笄天

台爭岩巖復有一山台笄西獨立無偶甘寂寥地形衝要人迹少界永之北勢深窳土人向余津津道絕頂一覽衆山小亂石疊就

若神剗名以形似曰鷓巖鷹翅雙張鷓喙中間毛羽森松杉喙
永尻侯凌雲矗前顧驚心後刺目密邇茲巖有鐘山何當更作勝
遊續(見憶結山房詩鈔)

南嶺 東一都由仙村裡入道通莆田

十八踏 由一都石塘入道通莆田

展旗山 亦名報捷山東離縣七里邑之東障(舊志)清王夢熊展旗
山詩前度漾舟

過寒雲凍未開晴曦資眼福遠岫出城隈東障天留險
南帆水欲迴央央旂旒影報捷儻頻來(見是亦軒詩鈔)

石夾嶺 在二十五都斗壠與興化界

寨頭嶺 在二十八都寨前與興化界

錦屏山 在二十八都西林離縣七十里石作錦色千巖萬壑皆在

几席之下宋狀元鄭僑葬此(參舊志)清林步賢錦屏山詩高峰巨
天際百里入睥睨如屏幻太

永泰縣志 卷一 山川志 十七

虛如錦炫塵世七襄天孫製十扇雲母儷
何當脫凡囂臨風一展袂(見雲癩偶訂)

龍門格 西離縣六十里為梅永界

大巖 在八都巫洋離縣七十里為侯永界清王尙烈同林少丹妹
丈遊大巖和韻詩峰倩

雲扶徑沒苔猿梯斗絕阻山隈茲遊非歷真奇險誰信人從天上
來 四時塵海都迷霧五月棉衣尙御寒誰似今朝清福好一筇

飽看萬重山
(見王氏家譜)

大樟山 東離縣六十里據其巔可扼莆田侯官入永要衝(參舊

志)

梅巖 東離縣二十五里峰銳如筆惟一鳥道可登餘詳名勝(參

舊志)清王森芝登梅巖詩衆峯攢壁立強半苦躋攀絕巘依雲臥
遙天見鶴還珠窠騰彩甌茗醒醅顏剝啄誰相問老僧空

自閒(見憶結山房詩鈔)

蓮坑山 南離縣一百四十里其巔可望閩清尤溪諸山(舊志)

嵐格 在十九都白雲與侯官分界明黃文煥嵐格詩并序由嵐格至天津溪凡十里許石之在山

在溪無怪不備天洋以往地屬侯邑而嵐格則為全鄉鎖鑰焉侯邑劃界處四山隘束山之勢皆奔而下山之石皆逆而上其橫斜穿插正而側而麓趾股相與山相為抵捍也山俱夾澗而立山之顛項背相去山之麓趾股相與山相為抵捍也山俱夾澗而立山之顛項溪漸闊山與溪皆為波流強半逆而駛往矣舒步之中溪不能抗山而溪之石殊不肯為波流強半逆而駛往矣舒步之中溪不能抗山石而其意亦欲與溪相為抵捍也仰山俯溪妙况錯出天地之心山石溪石之氣骨膽力燦然畢見余徘徊拄頰計嵐格中洞府當無所不有俟深入搜剔而茲則大畧也因為賦之山狹石逾壯嚴毅寡笑晒但見正襟立此疆與彼畛頭面各參差筋絡互穿引如以車隸輻如以輻隸軫山譬馬方奔石司韞與鞞奔者將有為意動勢難忍想見豪舉人不樂受拘窘石魄具靜深閑嘿寓深省隨方見擔當旋扼端朕處橫發中層層節制緊苔翠靄然滴秀潤達孚尹清溪走石罅細咽短蒲整麓盡溪頓開順往清泯泯詳茲溪石意未肯謝不敏激流碎注鏃截瓢橫置盾潛脉若解籜怒磯如蒸菌和合山石心夙約堅互秉請語出山人於茲長引領

(見黃氏家譜)

大張山 離縣三里全邑之勝如在指掌(參舊志)

創嶺 東離縣九十里道通福清舊志

川 西南之水自德化來東迤迤至英達里其灘曰大箭曰小箭至感應里曰大猗曰小猗至義仁里曰羅刹洞曰黃沙冲其下曰大渭曰小渭曰石梯曰青洲曰龍壓曰白泉又其下曰多母髻曰奧口曰春檣又迤東曰大舶冲曰七尺冲至龍津里曰牛核埔曰空石豆曰烏瀨頭其尤迅急者曰三門曰斗甕三門者中流列三巨石若門然斗甕者水衝石竇而洄漩狀若甕也其下曰鷓鷯曰巖裏復曲折而下曰三折冲曰三彎疑又其下曰大劍門曰小劍

門率皆濤驚浪駭鼉吼鯨翻至唐元里之南歷縣治前溪港開豁水流無聲至縣治之左元輔里曰沙灣曰屏斗疑曰師娘瀨曰太原灘曰八港曰石埭自此以下波濤之惡漸殺又下至保安里則與江湖相迎為安流矣（舊志按三十五灘均順流而下無支港非無也港不得舟斯無庸以支名耳）

潮汐 自長樂馬頭江來經西峽至鳳岐分為兩道一抵洪塘一泝

流三十里至永邑三都赤壁橫瀨與溪水接而潮汐矣（舊志）

雙溪 在縣前發源於西北會於將軍山下流歸東南曰外巽流曰

內巽流（府志）

宋陳誼復內巽流外巽流記永於文為二水邑界乎山而以水名良有旨哉邑背負良位而面勢直坤千山環揖雙流帶繞談者謂峯由良發水入巽流為地理之一勝艮止也巽順也山得所止水趨乎順信乎其勝乎伴來以圖諗

永泰縣志

卷一 山川志

余左建展旗之秀浮山火流如應龍騰空矯矯驪首右峙紫蓋之高繞以清流如蛟螭奮勢且舒且抱其餘澗壑爭趨競輳又如鱗介之屬掀舞先後要之無一不歸東南也維邑治前途隘且卑通渠易塞而潦時至則蕩為兩流蓋嘉定鍾安老始克東障以應圖經之舊而邑士韓困復以近廢而植表以誌也予素不曉陰陽家之說獨念水無有不東人性無有不善闔之羣目所寄非順則逆民無則焉復之誠是也今永士之學以慈睦為本勲懋為先寧託聚蚊以諷而不黨權勢寧服南冠以縶而不怵讐虜郎峰之詩切切乎其不恤緯之忠也北堂之詠懇懇乎其行役思父母之孝也至於操觚弄翰掇取科第白屋而青雲者比比相望又特其細耳謂非山川之美有以發之與維今事業當日盛日遠聲名益流於無窮也他日將於是乎驗焉謂余不信請視此水紹定戊子中書禮部侍郎陳誼復記（舊志）

北港瀨 舟自陽岐來永率東南行至台口則漸東上抵北港而溪

流阻於旗山遂曲折而北逆風者至此而順揚帆者至此而卸或

訛為八港

清王森芝舟過北港詩盤針一黍謬千里况是南轅更北轅無數爪牙森劍戟依然鉦鼓動朝昏有時白雨翻

新浪不覺青苔失舊痕
箇裏帆隨湘轉
意略推篷望當開門
見憶姑山房詩鈔

三角坑 卽三界洋岐爲梅尤永三縣界

西藍溪 南離縣一百 十里爲仙永界

石鄰瀨 亦名石墜東離縣二十里舊無港可通石工鑿之始達舟

楫清鄭汝霖石鄰瀨詩攢齒森牙若堵墻波瀾東注抑何狂中留

一坎容舟過坎盡舟分上下床許廷修石鄰瀨詩坳堂覆水

船湖 南離縣二百一十里爲德永界

閩潭 爲尤永界上有寺曰閩亭祀盧公宋朱文公有閩潭水湧天

心月之句

大賢灘 南離縣 十里聲逢逢達數里外旁崖石上產萬年松風

永泰縣志 卷一 山川志

蘭清魏蓉嵐大賢灘詩千石萬石攢蝟毛併爲一石堅且牢絕潢

斷港連平阜天工設險人工勞宕斧揮斤凌飛滂火燒醯灌無

遁逃石髓迸裂流脂膏丹黃碎雜微腥臊老蛟怒伏精靈嗥隣

村犬噤不號中分地脈開天發洪荒巨患今汰淘居然鎚鑿通轉

漕狹溝一綫纔容舳水聲轟騰風颺未至五里聞怒濤十船下

瀨九停篙就中長年誰最豪目空巨浪猶奔髦千金一擲爭厘毫

往來趨捷疑猿猴先登之導呼其曹排檣疊柁三十艘魚貫而進

銜尾尻恰如臯蘭合戰鏖一夫攘臂揄大刀十盪十抉不膚撓睽

睽萬目隨旌旄始知險阻憑逢遭有人開闢披荊蒿問途已經昔

所褒後塵步趨遊以遨從來神技工縱操不經盤錯利器韜我歌

扣舷樂陶乘風破浪從風翔會

當命槎凌金鼇坐看萬丈潮頭高

赤壁瀨 在四都壁立數丈南來舟行必取道於此餘詳名勝 參

舊志清王惟澧赤壁瀨詩破曹何地羣錯愕遊人笑指茲山脚鄂

閩相距數千里豈有江天如許廓層崖亂石紅如然戀樹飢

烏欵欲落紛紛引子走窮猿不畏寒泉迸絕壑寒泉卷回浪

劍戟戈矛競相向亂灘無數不知名至今奔水疑天上弗襲其迹

襲其名虎賁貌似誰鏤狀輕舟我過萬

重灘却代來舟苦惆悵見陔南詩鈔

大樟溪 源自仙游游洋溪達龜嶺而來歷陽岐入江(通志)

肱曲灘 俗呼手彎曲灘中區溪流最險惡處也

泝溪 源可濫筏南上之舟至此而止清王森芝泝溪南下詩我欲

得泊百里如投梭 巨石攢狼牙噴薄生浪花 願言鐫安流手中無莫邪見憶姑山房詩鈔

論曰固國不以山谿之險昔者子輿氏嘗言之矣鷹之鷲以嘴爪然使置嘴爪於燕雀必頓失其鷲則以嘴爪是也其所以用此嘴爪者非也犀之猛以齒角然使置齒角於麋鹿必頓失其猛則以齒角是也其所以副此齒角者非也干將莫邪非得人力則不能割剗矣堅箭利金不得弦機則不能遠殺矣函關言言丸泥封之長江湯湯一葦杭之謂有恃無恐也得乎然竄敵之柙而制猛虎脆薄之材而當巨石鮮有不敗者孫武子曰無恃其不來恃吾有以待之無恃其不攻恃吾有所不可攻吾以慢藏者誨盜彼萑苻之竊發小醜之跳梁將奚愛焉不寧惟是山失其高藩籬撤矣川失其深門闕洞矣啓其鑰排其戶寢其輿席其室舉一邑之膏腴

巨區衝隆要道悉供其旅進旅退而莫誰何其咎安在曰地險山川邱陵是殆昧夫設險守國之旨者蓋嘗論之東漢之強不敵西漢而無北顧之憂者有黎陽之屯在也天寶以後內亂方興不敵開元而無山後之警者有魏博之牙兵在也遼自隆緒至天祚金自阿骨打至守緒其疆土與宋南北相望雞犬聲柝相聞乃終遼世不能踰河而據汴梁終金世不能踰江而據臨安者雖鷲於寇準擅淵之盟岳飛朱仙鎮之捷亦實鑿乎苻堅之鞭不足斷淝流拓拔之馬不能飲江水耳永邑山峻而廉水清而駛每過一村落崖谷巖絕澗水潺潺環山而流令人作武陵問津不復得路想大溪東注悍激怒號兩山夾之橫波之石廉利侔劍戟舟上下失勢

破碎沉溺者所在多有人得山川之氣懦而徧徑直而寡與故合羣之力薄而揭竿之變常少又地貧瘠不當往來孔道賊弗經其境弗利其有惟尤德之交時或隣匪竄擾迤迤數十里巖壑糾紛不逞之徒往往跳穴其間可以聚糗糧可以伏槍械可以肆剽掠可以便遁逃豕突鴟張勢使然也夫居已以安而後可制天下之危守已以靜而後可馭萬物之動患在守茲土者不於形勢險要加之意耳築隄所以禦水不可以無水而廢固有之隄廬舍所以蔽風雨不可以無風雨而平舊構之廬舍剖斗折衡之說既不能行於今日而談宜戰宜守則譁然問要衝次衝而憤然一旦有事乃欲以慢藏之物冀不吾盜庸可得耶

水利志

司馬河渠孟堅溝洫因利而利田功用飭人定勝天効靈百川挹彼注茲于澗之泉匪旱之憂亦澇是慮決之排之築隄務去蓄洩而外間及津梁有備無患水德靈長纂水利志第五

塘

官烈塘 在三都通志作縣西誤內塘一十四畝一百二十步深一

丈外塘一十八畝八十步深九尺溉田一十五石(舊志)

明王珣官烈塘詩射瞳漠漠稻畦平雙塘清淺一鑑
明莫向源頭問活水文章氣節魚龍驚(見蠓宦集鈔)

白葉塘 通志作白葉湖在二十五都宋乾道間濬溉田一石(舊志)

蓮塘 在二十六都埔埕(舊志)

嵩口塘 南三十三都溉田一頃通志作縣北誤(舊志) 明汪瑋嵩口塘詩嵩陽塘

水清如油吹皺偶假涼風颺落葉墮波波不流文章水面粧深秋
千畦萬畦復何求疑有神物潛其湫一泓寒碧侔滄洲天光雲影
相悠悠 清林之桂嵩口塘詩東溪收釣罷近市恍溪行翳目蛇
同幻開奩鏡比明雨餘新漲滿泉激夜涼生水弱易為玩無須稚
迎子

埔塘 在三十三都周百餘丈深一丈溉田一頃(舊志)

大鄒官塘 在三十四都周百餘丈深一丈二尺溉田二頃二十餘

畝(舊志)

陂

赤錫兩陂 在二十五都源自仙游南來一石陂溉田一百二十畝

一木陂溉田一百畝清乾隆十七年邑人李用信重脩道光五年

壞於水孝廉鄭宗山太學李繼志統改為木陂同治四年七月復

壞李子開鄭長時又作石陂光緒二十六年六月漂沒不存片石

迄民國壬子李學儒鄭庸思重造石陂至今賴之(參舊志)清鄭宗山

赤錫陂詩索居歡趣少緣淵問茅茨未餒耕耘志先籌挹注資荒
萎自可藉渚鳥莫相疑且了分中事匪謀身後思見哦松齋詩話

小田兩陂 在十六都上下陂各溉田百餘畝(參舊志)

陳陂 在十都雲滌寺前有陳姓夫婦捐資架兩岸大梁編大松木

障水溉汰口洋田近千畝鄉人廟祀之故名陳陂(舊志)清王夢熊陳陂詩徐

行逐水源灌溉湖泉脈地宜孰輔相障此兩崖坼環村若橫帶瀉
潭若裂帛千畦生晚涼十丈盪寒碧聲喧竦毛髮氣清沁胸膈不
見陳公祠原田但蒿麥見是亦軒詩鈔

永泰縣志 卷二 水利志 二十五

白雲十陂 一圓潭陂一龍潭陂一坂頭陂一椽潭陂一台前陂一

瀨頭陂一雲壑陂一筆架石陂一上碓陂一過溪陂俱在北十九

都白雲溉田各百畝或數十畝不等

十二都兩陂 一連埕陂一穴利陂各溉田百餘畝(舊志)

一都兩陂 一龍嶼陂溉田百餘畝一石畚陂溉田二百畝

二都兩陂 一黃潭陂一水磨陂各溉田百餘畝

油杭陂 在十都埔邊溉田百餘畝

赤岸三陂 俱在北八都赤岸鄉一東坡溉田二百畝一西陂溉田

二百餘畝一秤鈎環坡溉田百餘畝清王夢熊早中循行陂田詩
百道流泉萬井通橫縱畝不

問西東炊烟影合遙天白初旭光分衆壑紅槎瀾千春喧向晚桂
橋數板亘當中青青宿麥炎炎日笑道天工一樣同見是亦軒詩

鈔

後黃陂 在二十四都引溪水亘五里廣二尺深如之溉田二頃（舊志）

洋陂 在十都陳陂下乾隆間鳩資砌造溉田五十餘畝

雁門三陂 俱十九都雁門鄉一狐狸陂在文昌閣下溉田百餘畝

一九龍陂在仙寄巖下一仙寄巖陂亦在仙寄巖下長五里許各

溉田二百餘畝

渡

大樟渡 在三都通侯官陽岐（舊志）

清王森芝晚渡大樟詩雨聲激箭亂崖隈溪水新添一尺纔蒿

目濁流泉自瀨濟川誰遣出山來 小雄東畔雁湖西野色蒼茫夕照低柔鷗聲中漁笛起漸催明月上沙隄（見憶姑山房詩鈔）

永泰縣志

卷二 水利志

一二十六

洪面渡 在二十八都（舊志）

王墓渡

在七都相傳葬王妃處舊志作黃墓渡

清江琛王墓渡臨江仙詞夕陽叢篠

無人徑一溪流水明霞迴波拍岸漾晴沙香魂何處猶放數枝花
待渡客來天漸晚酒帘風動微斜影分桑柘露人家柴門低扣
驚起夜棲鴉

赤崎渡 在六都今廢（舊志）

湯泉渡 在二十六都今廢（舊志）

邱演渡 在二十八都張起蟄捐租為義渡（參舊志）

重光渡 縣東關外今廢（參通志）

五十口渡 在二十九都南通興化北通建津（舊志）

嵩陽渡 在三十三都（舊志）

龍湘渡 在縣南

太原渡 縣東十二都清鄭汝霖太原渡詩灘上西風晚作顛灘頭

上船樹影亂隨橋影去灘聲相雜雨聲喧傳巖物色人何在千載中流憶濟川

溪東渡 在二十五都北通汭口(舊志)

埤頭渡 在四都通侯官陽岐(舊志)清張世案埤頭夜泊詩雨後竹枝低微晴草色齊天清空見月

(舊志) 家遠不聞鷄舟趁鷺濤上人依曲岸西歸心若流水愁聽鷓鴣啼

胡則安埤頭渡詩溪雲昏欲歛落日渡前津亂艇垂楊岸

汭口渡 在三十五都南通興化北通建津(舊志)

溪口渡 在二十九都生員張瑛合大偉捐田二十五畝給渡子橋

子耕種以資工食不索旅錢詳請列憲立石渡旁以垂永久(舊

永泰縣志 卷二 水利志 二十七

志清王惟澧溪口渡詩雲盡天空澗水深一舟長傍碧林陰是誰

摩碣誇豪舉我輩顧囊慰客心晚市兒携魚易米溪居媪斬竹烹鮓衝帆桃片隨波去疑是山中有武陵見陔南詩鈔

玉渡湖渡 在縣南民國四年金廷光倡募

嵩口渡 在三十四都貢生毛羽豐捐田五十畝為義渡給渡子佃

種不索旅錢勒碑德星亭巡撫趙贈好義可風扁額藩憲府憲各

有贈扁(舊志)

闊瀨渡 在縣南

汭溪渡 舊志亦作汭口渡蔡子運捐田為義渡立石垂後

瀨下渡 東四都明陳价夫瀨下晚泊詩孤村沿曲岸桑柘起寒煙

田向夕菰蘆靜微聞雪澗泉舊志清林步賢渡瀨下詩綠溪徑已斷一舸渡頭橫村店喜在望截流安不傾下灘風泉迅隔岸煙

燕平翻覺健腰脚黏沙
草屨輕見雲癭偶訂

新鄭渡 在縣南陳爾修捐租為義渡

橋

觀音橋 在二十都(舊志)

永濟橋 在十都舊有橋曰東新東通興泉北接三山驛道之要衝

也有張道人傳風水火三災之讖後歷宋元二百餘年三脩三壞

讖言皆驗明永樂間邑令胡克恭延蒲囊山名僧心願來主橋事

施者雲委三年而橋成長一十八丈廣二丈橋上覆以亭七十二

楹中楹奉圓通大士扁曰永濟後又廢清康熙間江塘重建今壞

於水(舊志)

元林仰節永濟橋記永福縣治之東三十里曰桃源南通蒲泉北接三山驛道之要衝也溪流其間古有板橋

永泰縣志

卷二 水利志

一二十八

曰東新其後飄於風黃知縣與進士黃潛夫再造至元癸巳復圯
於水邑宰李良傑偕潛夫之子君澤重建成之數年復燬迄於今
未有不理於是召匠計工重創建命潛夫之孫文實信儒偕雲際
寺僧自虔領其事於舊橋北百步築新基以巨石固其岸大木壯
其址累石為座高四尺座之上橫架層木砌之以石長一十丈
闊二丈覆以亭棟高一十八尺旁翼以闌長與橋等橋始於至正
壬午孟冬迄工於次年癸未季春名以正紀年也橋西創小庵
奉普庵禪師右間為劉侯壽祠其左列諸檀越復創耳房以供過
客遊息之所至是皆就邑之儒學教諭劉懋生子勉使來福寧求
文以記且曰侯為縣未期而修建儒學及諸廟壇養濟有院儲穀
有倉造浮橋疏溝渠平王宗華等數十年不決之訟招林伯成等
二百餘戶避差逃移之民禁停喪均徭役善政不可殫紀今創是
橋以便往來不擾而辦不肅而成非勒之堅珉以傳不朽後之人
亦孰從而知之未病涉也古之人於橋梁歲必修其勤也如此自
月與梁成民未病涉也古之人於橋梁歲必修其勤也如此自
李宰之後其宰縣與其長貳奚翅數十百人三十年間漫不脩理
劉侯之起廢也如此其職事脩舉可知已士民歌詠盛德見於詩
章者比比皆是以其所見質其所聞善政彰彰詎可無紀哉侯名
泰亨字長道元至正三年癸未進士承事郎前集慶路句容縣尹

兼勸農事林仲節撰(舊志)明林敏重建永濟橋記三十里而近
曰臺口溪流如虹橫貫其側匯於大溪舊有橋曰東新屢作屢圯
永樂改元今縣令胡公來洩事之三年政通人和禮致蕭囊山名
僧心願來主橋事逾八閱月適主簿寶慶卜公德同義合各捐俸
金爲倡於是邑之檀信鄉之耆彥莫不樂施旁及於會郡隣封輸
材運木雲委川行輦石發基山積林立衆工俱舉三逾寒暑而橋
落成上覆以亭虹梁架空飛蔓侵漢爲悲愍故又於中楹崇奉圓
通大士饒益檀信以副衆願永永無窮橋長一十八丈廣二十尺
以礎計者七十二楹易波濤爲平陸化險阻爲坦夷翠旗高蓋方
廣三島諸峯隱隱如列畫屏茲舉也不役於官不侵於民倚任一
方外名流發大願力而獲千萬世之利也福建叅政房公過而喜
之爲署其楣曰永濟嘉是橋之運用無迹民不告勞有若天成也
撫事考實於法宜書遂俾勒諸堅珉使後
人知所自云博陵林敏漢孟謹撰(舊志)

天贊橋 在二十一都乾隆間建(舊志)

越峰橋 在縣西北里許宋建元廢今爲板橋水漲用渡(舊志)

西堂橋 在三十都(舊志)

永泰縣志 卷一 水利志

二十九

平政浮橋 在縣東沙壩宋紹聖四年建浮梁八十舟三十六北岸

爲亭曰飲虹元廢明萬歷中知縣袁世用作二十四舟聯以十二

舫構平政橋於岸北後又廢復爲渡(舊志)明王琬平政浮橋詩乍

舫截春波是橋是舫君休問郭
外溪山領畧多見護宦集鈔

蜚英橋 在二十四都

文滌橋 在二十都乾隆十五年邑人鄢鑾行重脩(舊志)

界竹口橋 在二十四都通德化尤溪宋建元廢明季重砌以石清

道光初壞於水祇餘遺址(參舊志)

蔣家橋 在二三都分界處宋紹興七年張長老造明正德間廢清

乾隆二年三都方繼師劉標生二都張昌佩王斯才商文廣倡募

重建(舊志)

玉錫兩橋 均在二十五都

通京橋 在開平里(舊志)

小東亨橋 在縣東門外里許清雍正間江埔重建橋基三墩乾隆

間董事薛長齡等重脩嘉慶間董事陳高仲等三脩咸豐庚申知

縣左垣募資四脩并建亭橋西以憩行路(參舊志)清王輝章出東

去志遠近東來路不差半溪足春水一角露人家冠整須防李隄長又擁沙葭蒼露白外之子况天涯(見緣情集)

樟溪橋 在三都宋紹興三年張長老造元廢今橋石俱沒溪中(

舊志)

大招橋 在二都清乾隆二年陳蓋忠林宗言游莘公陳士瑰等募

永泰縣志

卷二 水利志

造圮於水民國甲寅黃則欽黃啓基等重砌石(參舊志)

宣和橋 在開平里(舊志)

曹溪橋 在二十都通高蓋明萬歷三十九年知縣唐學仁建亭於

橋上清康熙間邑人江埔重脩(參舊志)

清王森芝曹溪橋詩雲水光中霽色開滿天晴

日淨如堵神仙一去不復返我欲橋頭進履來(見憶姑山房詩鈔)王尚恭曹溪橋詩雲山變色走危湍如此風波行路難一樣曹

溪橋上客雨餘五月不勝寒(見王氏家譜)

小田橋 在十六都

三島溪二石橋 在七都通葛嶺萬歷間知縣袁世用造基唐學仁

竣工今廢(舊志)

清涼橋 在十六都宋建乾隆間壞於水今用木爲之(參舊志)

明張世樑

清涼橋記清涼溪有二源水皆北來出清涼橋始合流昔人所謂
溪流環繞寺若浮筏也而當橋之衝則石與水角勢悍急不相下
橋又為北來孔道國初以來壞者屢矣隆慶庚午霖潦暴發橋隨
漲圯今歲寺僧普聞集眾議曰水浮於橋則衝激而易損橋浮於
水則鎮壓而難搖今修橋非高出兩岸無以垂遠聞者有難色僧
曰度斯橋之費數千金耳若合數千百之人結數千金之緣當無
不可為者眾以為然傾囊樂輸得金如數就頽橋斲石固
基落成之日觀者如堵凡與有勞者皆冶鐵鑄其姓氏云

崇福橋 在二十一都蒼霞清乾隆十年何景顯建(舊志)

政和橋 在開平里(舊志)

永安橋 在安樂里(舊志)

花林橋 在縣南(通志)

光德橋 北十七都嶺霞鄉橋高八丈長丈餘宋時所造今半圯壞

橋西十餘武有一巨石俗稱石船刻光德橋三字直旁又刻永濟

永泰縣志

卷二

水利志

三十一

橋崇寧元年月日勸首佛啓印匠人駒元輔等名字

相見坑橋 在十二都二十五都交界清雍正十年程公隆重造(

舊志)

新橋 在縣西邑人鄢道生造并建亭其上為西區要衝

山尾寨橋 在二十七都

寨前口橋 在二十八都通興化

龍溪橋 在二都宋紹興丙寅建清乾隆戊午董之威黃璣砌石碑

記董三錫撰今佚(參舊志)

龍腰橋 在十七都北山清道光初亭其上

三板橋 在北貴洋溪宋乾道四年造

北門橋 北關外距城里許邑紳林捷元募置田租隨圮隨修水漲則渡并建亭橋西以供憑眺

六橋 在北瀨柄溪宋乾道間造

大偉溪橋 二十九都生員張瑛捐造(舊志)

折桂橋 在八都赤岸明永樂初王寧建亭其上清乾隆末王惟澧

重建今亭圮板橋尚存

清主希聖折桂橋記折桂橋在磨笄山麓明初亭其上余支祖奉節公觴林侍御聰

吳明府彥清地也嗣是文酒之讌無虛日故桂橋春釣為笄峰八景之一三百年文采風流亦少衰矣而煙黛兩螺猶彷彿當年景况也萬歷後屢啣於水凡再置再廢夏秋溪漲山雨不時致為行役苦姪孫沅汀髻鬣過其地謂人曰吾有力時必亭之眾或笑以爲迂也今年秋以數百金付其家嗣鎔俾事數月而橋亭成橋距地可二丈廣丈有尺許亭六楹廣如其橋予懶不作文字久矣鄉之人思所以猶憶數年前太史孟君超然學博林君斯芳孝廉陳利往者宏也

永泰縣志

卷二 水利志

君士登高君蔚起鄭君棟薛君鳳翔明經李君振漢謝君典蔣君爾烈茂才林君熒與夫鄉之士夫叫嘯磨笄碣石間三度茲橋而瓶菴先生實為斯會冠冕惜其時亭猶未成吾烏知其今不異於古所云也則請以斯橋為之兆也匠人陳才鳳以力助不受直亦好義之士也例得備書因牽連記之如此(見斷輪集)陳蕤折桂橋詩巨木駕虹梁橫跨驚湍上有如排世難出力貴用壯紛紛題柱者非此欲何向睠茲濟川功數板巨絕嶂(見斷輪集)

虎坑橋 在十都清光緒三十年壞於水三十一年冬紳士薛景東

薛仰東倡首募脩

洪厝口橋 二十五都光緒丙午圮

湯泉橋 二十六都舊建亭其上今燬於火

溪東橋 二十五都清乾隆間謝有通陳永大等募造(舊志)

珠坑裡橋 二十七都

大坪洋橋 二十八都

赤水橋 三十六都清乾隆十三年生員謝登瀛等募捐砌造 (舊志)

西塘橋 在三十二都通尤溪 (舊志)

福斗橋 在三十四都監生張宗清募造 (舊志)

月洲橋 在縣南 清王森芝月洲橋詩晴天微漾水雲波嵐翠空濛
濺薛蘿遠近人家黃葉路長虹蕪影夕陽多 (見憶

姑山房
詩鈔)

論曰天下事不爲無窮之計雖利及於百千萬人一時義聲載道不轉瞬間仍消歸於烏有君子弗貴也無窮之利何曰天然之水資以人力焉已耳閩中水利較之北方高燥中原寥廓之區頗爲講求卽永亦然爲長吏者唯求所以利我農人敝精疲神於簿書期會之先不以循前人軌轍爲可恥斯可耳凡西人所稱水爲工業之母利用懸瀑或裝置水力電氣者皆其後也一日蓄水以爲利泉源之大者開堰以引之其細者必築塘以潴之堰有濬澮距川之費塘有購地鑿渠司開啓閉諸費此疆彼界截截阻撓非董率自上不爲功至桔槔汲水之法工拙而事勞惟龍骨車汲水至十餘丈可資河水以溉田亟宜擇善而從而新法有開地填沙以

疏水插管以取水汽機代人力以車水瘠地化爲腴田荒土變爲沃壤事艱費鉅又當別論一日洩水以爲利沿溪處所田廬或沒馮夷隄以防之盡人而知之矣然非堅土巨石無以固其基非密柳叢竹縱橫交錯無以遏其衝非鳩工儲材察田之多寡酌地之遠近而輕重等差之則夫役不均人有後言亦無以觀厥成况歲復一歲水以濟水廢壞罅隙狐兔窟穴驚湍怒濤暴漲不測時足爲民患者非易竄爲良增卑爲崇則瞬息俄頃利害立判更無以歷久而不敝則按最要建大防遏川流殺水怒誠亟亟耳或曰西人每田十畝四圍掘一深溝寬一二尺深三四尺填以碎石高出地面石能汲水雨潦則泥滯皆乾石能含水久旱亦土膏脈潤而

事未試驗不敢遽信或又曰不能蓄水宜多用馬糞爛草之類雜於田土之中自能發熱而收水溼不能洩水或在田邊掘深數尺見砂而止填以粗砂似亦洩之一法至蓄洩兼施則多植嘉樹密林既能引泉致雨可免旱災而根蟠土中葉蓋地面大雨時行高處泥沙不致隨流而下可減壅壓田畝淤塞河流之患以水利爲體以種植爲用尤爲一舉兩得之數說也尙簡易可從

城市志

王公設險以守其國增陴鑿壕毋曰在德舟車輻輳又有交易懋遷有無三倍是識四垣孔崇庶產用豐人心以靖商旅以通百雉之內五都之中敷政優優敢告在公纂城市志第六

縣城圖 縣城地脈來自磨笄由極樂山綿亘而赴豁開平壤可六七里二水交匯城下蔚乎一名都會自嘉靖始城疊次脩葺四樓耀日萬堞凌雲厥規壯焉鞏金湯之固成衆志之城當有足爲斯圖重者矣

縣城圖解

一城之曲處仍其曲之大小
一道路之曲直大小隨其曲直大小無少增減
一凡城門之距離及街徑之短長概以營造尺計算其距離短長之數如下

一自東門左畔依城環山至北門相距三百三十八丈合一里三百一十六步

一自北門左畔依城行至西門相距一百一十二丈

一自西門左畔依城至水門相距一百一十丈

一自水門左畔依城至南門相距一百零三丈

一自南門左畔依城至東門相距六十二丈

一計自北門左畔依城經西門水門南門而至東門相距三百八十七丈合二里五十四步

一統計全城周圍凡七百二十五丈合四里十步

一自東門入上城隍崎經後街至高山仰止樓下長凡一百一十二丈自仰止樓至三層樓長凡一百四十四丈自三層樓經縣前至西門長七十七丈統計自東門入至西門長凡三百三十三丈合一里又三百零六步

一自南門入上上坊坪由湛園埕過楊巷經三層樓轉虹井街至北門長凡二百九十丈合一里二百二十步

城池

縣城 東北磨笄山蜿蜒磅礴而來亘三十里至極樂巖又十里起為員阜曰仙掌峰縣治在焉東有梅巖西有紫蓋南有大張北有姬峰四山環合風氣完聚迤東七里許一山橫亘狀若展旗邑東障也大溪發源尤溪德化三百餘里匯繞縣治歸流於巽冲和縈帶無湍激喧豗之響此一邑之形勝也自唐建縣以來未有城郭明嘉靖三年知縣何謙始請築城未幾謙去推官張濬攝篆董其役踰年而成石基土墉高一丈五尺厚丈許周六百九十二丈有奇為門四而樓其上各三間三十三年文惠繕脩四門三十八年倭寇攻陷焚之城邑為燼知縣武瀛稍為脩葺增建敵樓十隆慶

六年知縣陳克侯重修萬歷十七年山寇起知縣陳思謨以東北城垣環在山坳外山高倍於城可覘虛實請移跨山頂周七百十丈城墉易土以甃為門四東曰永泰西曰平西南曰雙清北曰瞻京又水門一各建樓其上先時城被倭禍北門不啓遂塞之萬歷三十七年知縣袁世用復闢北門清康熙三年七年十九年三次被水知縣于昌孕李景明董治國倡脩雍正五年知縣張宣張廷球馮紹立相繼脩葺乾隆二十六年知縣王綱增長一十五丈易各門上之石刻東曰朝陽西曰長庚南曰迎薰北曰拱辰水門曰

通濟至今仍之(參舊志)

明邑令袁世用重開北門記自古氣運休隆治化翔洽則天闢決而地垠開地

之有四方也象天四氣北方之氣是為元煒其卦坎其風廣莫其神元冥其山曰北極之山天一氣不備則員靈缺地一方不具則

柔祇虧而况城垣啓閉之司利生民之往來而關人文之南永泰哉永陽北門舊名通京拱極之義也在縣治後與雙清之陳之不東西平之西角立而四已未倭寇內訌北門不啓當者君檄兵劃之因以便塞之便夫永襟山帶川所不丈則又曰不虞之薦至無若扞擷者何塞之便夫永襟山帶川所不丈則又曰不虞之焉用閉塞以待後之開而耳不察猥云堪輿所宜殆非本旨故旋閉旋塞矣生聚教誨視幾何而靈契何自阻嘗登城而眺故址奠祗席不便顧地維何以奠而靈契何自阻嘗登城而眺故址論形勢不難地維何以奠而靈契何自阻嘗登城而眺故址脩廣與關內等鱗次可數百家遙望溪流滴涓涓不絕云昔有巨浸達於南關今幾成陵矣詢之知爲水確所障余瞿然曰石竭城堙敢不圖與符於衆何拘信於獨何搖乃折確導流因其障以衛地脉堵堞式固輪奐孔鮮自捐俸以外不費公帑一錢皆民所樂輸也竣工而廣文廖君適至偕諸士請記余曰此役也成衆任勞余不敢任逸既成衆任逸諸士請記余曰此役也三五小九之符而休隆之徵耶四氣調而泰元尊四方奠而坤維安開翔洽之符而休隆之徵耶四氣調而泰元尊四方奠而坤維安

永泰縣志

卷一

城市志

元化磅礴文明昭灼萃靈振秀繁多士是賴自今吾永當有踵三狀奇踪而走長道者拱極之望端爲多士是賴自今吾永當有踵三京令出入是門者起就日望雲之思云舊志也然知縣王綱修城記縣以永福名惟王子孫永保民之義也然知縣王綱修城爲重城固則民藉以福縣藉以永求永之道福自我造城又修葺爲急無曰不墉而峻不關而阻也或曰寇息矣福乎我造城又修惡乎修長設險一隅期久安而長治壯觀萬有貴因時而補苴下盜之患余曰有司之政廢而後寇盜之端起矣福乎我造城又修車來巡視城垣集其將勞民寧無病乎僚屬曰勞民之牛犢幸安而中澤之鴻雁粗集余將勞民寧無病乎僚屬曰勞民之牛犢幸安而民無窮之逸余曰爲民樂者非科斂之不已調差之不時不歎吾當弛科斂減調差而使之樂其勞得非屨之不已調差之不時不充歟吾當弛科斂減調差而使之樂其勞得非屨之不已調差之不時不奮其義民輸其忱捐費者刀錢不吝襄事者夙夜維勤百役應募士畚鍤斤斧不顧也觀此歡趨之狀使窮年經營之苦一旦如釋焉時不濡而事舉上之則社稷之福而下才計以億兆之功已昔程光祿啓充記嘉城云石取諸他山務之福而才計以億兆之功已昔程光墨而追琢一其規度雖不合比蹤前人竊嚮往焉築之厚期久而完繩程之式一其規度雖不合比蹤前人竊嚮往焉築之厚期久而完繩

五閱月而工竣缺者完鬆者固欵者正卑者崇計增舊城廣一十
五丈二尺門各樓其上益以重簷舊南門名深觸國家忌諱東門
亦古之所以名縣者均宜更正因易東門曰朝陽西門曰長庚南
門曰迎薰北門曰拱辰水門未有名名之曰通濟各錢石嵌其上
庶幾邑與城並永民與城均福名實相須垂
之久遠或亦保民之一助云見韋治雜錄

公署

縣署 建於宋初宋末燬於兵

依舊志分注原文萬歷府志建炎三年

陳炎立紹興間王禹同葉秉彝脩建炎高宗號永署似建諸南宋
讀蔣楠勅書樓記溯及慶歷鄭慈又熙寧間沈亞夫建戴星樓則
永署當建諸北宋萬歷志稱建炎建道光通作禹國係宣和間則
修又攷職官志陳炎係大觀任王禹同舊作禹國係宣和間則
道光通所紀尤不元至元六年達魯花赤扈全重建道光通志原
敢信仍從舊志元至元六年達魯花赤扈全重建道光通志原
至元間明洪武初又燬典史孟輝創之舊注宏治譚顯脩正德五
重建年鄭信築垣墉蓋廨宇改道路於東南移民居於西北道光通原
文舊注只

永泰縣志

卷一 城市志

四十

載知縣鄭信譚顯修復無年號

嘉靖三十八年復燬於倭

舊注原文道光

萬歷四

年知縣陳克侯重建中為大堂左為幕廳右為龍亭庫幕廳之後
為架閣庫龍亭之後為軍器庫庫各一門大堂之後為二堂二堂
之後為內宅大堂之前為甬道三東西兩廊為書吏六房倉獄在
其西寅賓館在其東南為儀門又南為大門譙樓在其上大門之
外東為旌善亭西為申明亭明季又燬於寇清康熙六年知縣李
景明重建舊注原文按某訪藁載某先輩紀永署建諸順治十五
益家書文法蒼古署內果有此斷碑何以絕無所聞某先輩所見
殆亦見此搨本非碑石也况職官志順治間知縣無朱王造該碑
文所述建造形式建廳一顏目雲堂左右房二再左右房四東西
廂又四與今不同又云剛入境萬鴉蔽日叢草雲步獸跡以導
驅貽凄風而泣鶴明清易姓之際永署荒蕪亦未必如該碑文所
述之甚且署既建諸順治十五年李景明必無康熙六年復行重

建之役証以各志所 有紫薇堂勅書樓自公齋虛心堂道光通志

紀此碑似在廣西 又載有戴星樓熙寧沈亞夫建 思政軒讀書軒董鴻建職官志作鴻國 學愛堂美錦

堂浮香室野意亭絜矩齋桂林亭無訟齋俱在縣署內今不可攷

(參舊志) 現制與萬歷時陳令所建之形式同大門上仍是譙樓

大門內古榕兩株左右兩拘留所民國三年知事董秉清葺二門

內東三房舊屋移所於此舊所遂廢二門直額本書儀門避宣統

御名改倉獄仍在西偏東為土地廟當卽萬歷時寅賓館 縣備隊駐焉幕廳

客廳在二堂西偏光緒壬辰沈俊脩葺右花廳殊壯麗丁艱解職衆將門窗撤去乙巳陳應辰親督工役修葺三

堂民國元二年林煥章鄭祖仁相繼修葺花廳 二堂後為住宅宅後大空園樟樹兩株歷

年甚久宋黃師尹紫薇堂記古人以遊宦相從一方遂世契厚情義也迨世古意遠猶邂逅驛舍中浮相敬忽相忘甚者以

永泰縣志 卷一 城市志 四十一

深中多數遂成仇疾由其氣味不投志趣相戾也然則居今之世
有古之風寧不聳人視聽耶永福雖邑於山嶠而洩政者俱賢大
夫淳熙改元丞東海劉侯大年椿老以令尹下車寬嚴並用丞以
至閱明年六月莆陽陳侯大治一時邑政遽然簿尉桑梓異
詳明也未之前聞夫同歲月視事者間有一二而承簿尉桑梓異
茲美也昔盟議文牘刻期翕然交集令尹逾歲再至同僚開心見
地調官不同時行李戒途程有脩邇及瓜代戍期有先後今以
日如夙昔盟議文牘刻期翕然交集令尹逾歲再至同僚開心見
誠可相濟邑無疲政人無間言其氣味之厚視古無愧也丙申夏
之同考以周旋終始而至於必其氣味之厚視古無愧也丙申夏
同之時又喜其情義之厚於是乎書(舊志)黃師預焉既書樓記
唐永泰二年改元大歷始創是邑距今三百五十二年勅書有樓
失其歲月皇宋慶歷五年縣令鄭公慈重建之規模淺陋將就頽
圯前政多欲治之屢營而屢輟淳熙丁酉邑大夫陳侯大益新之
增而為屋五間翼以架閣之宇舊高二十九尺今以四尺益之廣
可百尺比舊贏其半始於季春之壬子終於孟夏之戊戌落成屬
僕識其事初侯下車視樓屋嘆息有革焉意曰長承流宣化而
勅書所藏之地如此未孚財力未裕鼎之忘不可遽也期年政成民
不可謂仁今吾號令未孚財力未裕鼎之忘不可遽也期年政成民

心悅服又念瓜期已近遽不及事而負初心乃鳩工度材不旬
而成就取前後詔勅與同僚稽首再拜缺襲而藏之一粒不
取民也君子曰為此役者其知道乎人在易卦先之以事隨
也天下之事常成於此而動悅而隨何事不濟侯孳孳視事
豫將解印而後役之無告勞者非得乎蠱而得乎隨與豫
殆能之乎楠尉茲邑擊乎事喜其苦齋能盡去宏麗不至侈
從侯請拜而書之舊志曰公蓋羊徹自公齋記闕廳事之東
以爲宴息之地名曰自公蓋羊徹自公齋記闕廳事之東
氏以退食爲減膳自公蓋羊徹自公齋記闕廳事之東
則能節儉而欲求生則私意作無天下正直之理惟躬行節
未俱不足爲巨細一而意樽節泛應皆循乎天理之公家無
者俱不足爲巨細一而意樽節泛應皆循乎天理之公家無
惟順其正德而已未可捨節儉而求正直也詩云退食自公
之恭儉惟德毋載爾僞也詩以美在位書以戒有官謹書自
見命拔而深鉅井里翁蒼民物繁夥蓋古所謂易治天子嘉
山峻拔而深鉅井里翁蒼民物繁夥蓋古所謂易治天子嘉
顯庸之邑僚舊好歸自東都賀焉見其治事之東偏有嘉而將

永泰縣志 卷二 城市志

扁曰虛心岳拱而問曰斯堂也是所謂爲政之方耶顏侯爾
笑曰今夫吏東方煌煌振衣而出嘯吸枯緇化染俗出長莞
者皆然邑爲甚今夫虛明邑不爲大心不爲小山蹊茅塞則
者皆然邑爲甚今夫虛明邑不爲大心不爲小山蹊茅塞則
昔堂之未闢也地墨膳養落無用余於暇日命工芟夷爲楹
虛以體道在物有之宴人亦宜然故矩於治又銘於堂引而
長子其有言於斯乎岳既辭不撓以爲弱明者不蔽以爲幽
誣以爲惡靜者不擾以爲紛不憚者不強是以樂富無剝貧
斯改謀斯度物來不能容事至不懼夫如是則此堂富無剝
有怒後色市瘠魯肥內揆於我鴻志何如夫如是則此堂富
難居人將忌而尤之也傳不云乎心居虛以治五官古之聰
容知者皆由中心虛而五官不治乎心居虛以治五官古之
上而熙天人以私言也將爲天下之公言也岳當舉則顏侯之
心者非邑人之私言也將爲天下之公言也岳當舉則顏侯之
以爲賢侯賀吳航林岳記舊志

典史署

舊志不載

惟附注縣署下康熙七年典史鄒楷重建幕署於縣署東

舊通志亦不載至

續通志始載典史署在縣署東署門西向匾曰督捕署二門至後

住宅俱西南向與縣署同署內第二進尙有虛心堂橫匾

或卽顏徹所闢

林岳所記處

此職撤於民國二年該署改爲禁煙局

按典史匾曰督捕職實典獄現制尙

有管獄員附縣署內

滌門巡檢署

舊志在嵩口道光通志宋元豐二年置巡檢於辜嶺

元至正間移滌門明初始移嵩口故舊志職官門宋元稱辜嶺寨

巡檢明清稱滌門巡檢滌門在三十六都辜嶺在二十八都民國

元年裁以署爲南鎮自治會所今荒

營房

舊志在城西門內清福協右軍千總一員駐此然駐期年不

永泰縣志

卷一 城市志

四十三

滿一箇月故駐所甚荒蕪附近有天后宮民國前上元後二日演

劇一次近房已傾圮廟亦零落

府館

在縣治水門內今餘節孝祠左破屋一間(參舊志)

僧錄司

在重光寺今廢(參舊志)

僧會司

在瑞應寺今廢(參舊志)

道紀司

在縣治北香山堂後移東門外今廢(參舊志)

陰陽學

在縣治北大街後在南門今廢(參舊志)

道錄司

在縣治南今廢(參舊志)

演武場

在東門外浮橋頭天后宮後中建演武堂縣武試及霜降

演武均於此行之民國六年堂圯(參舊志)

醫學 在縣治南今廢(參舊志)

按道光通志收有廢署四

宋丞廳 在治鼓門內東

簿廳 在治東隅

尉廳

在治鼓門內西

明福寧道

在治西按福寧道福州各縣皆有查他府屬或稱某道署惟福寧道不詳其故

街市

縣前街 自孝子坊至照東門街 自城門至城隍西門街 自西門至照

丈南門街 自南門至新安北門街 自北門至大聖楊巷 長六丈新安巷

自巷口至後街相虹井街 自三層樓轉躡至大聖流民巷 自武廟邊

路相接處長四十八丈府館巷 在縣治水門內今府許厝街 在縣治南門外古

井巷 在城內上馬巷 在東門上章街 自武廟至孝子坊 玄壇巷 在城

永泰縣志

卷一 城市志

四十四

一玄壇後街 自觀音亭至仰止水門街 自城門至林宅轉新閣埕 自

廟前街 止長七十五丈城隍崎 自初級至觀音亭上坊 坪自新安巷口

門街上塔至新安巷 止長二十六丈 零三丈 江厝術 自術口上接榕樓術至上學術 自術口至中峰土

地巷 依舊志登今無攷

縣前街市 三層樓市 坊口市 南門街市 湖乾市 東門街

市 浮橋頭市 在以上各市均龍嶼市 在一 大招市 溪瀚市 俱在大

樟市 塘前市 莒口市 赤壁市 埕頭市 在四 葛嶺市 在六

赤岸市 在八 汰口市 石埕市 埔邊市 俱在十 石圳市 元帥廟市

俱在十 清涼橋市 店仔市 俱在十 漁坑市 在十 白雲市 在十 界竹

口市 赤錫市 蜚英市 俱在十四 湯埕市 埔埕市 俱在十六 梧桐尾

市 坵演市 西林市俱在二都 德星樓市在三都 泮口市在三都 長慶市

永泰縣志 卷二 城市志

四十五

論曰儲石成城然後能嚴出入儲貨成市然後能通往來永泰之
建自唐治三都鎮焉耳嗣改爲縣未城也明初著令郡縣有衛有
所始有城蓋要害必屯兵屯兵設備備無踰城耳故有城以爲備
餘雖大郡縣弗城焉永爲簡縣復無屯兵雖操奇計贏者肩摩踵
接於其間而制不得城其無城也固宜正德間崔苻竊發勞重臣
而後定因便宜下令所司雖無屯兵皆城邑之援例得城於嘉靖
也以此至於市則以彼之漏卮培吾之元氣此鄉與彼鄉較此有
市而彼無市則彼鄉之財流入此鄉矣此鎮與彼鎮較此市盛而
彼市衰則彼鎮之財遠遜此鎮矣銷貨愈多獲利愈廣舟車絡繹
之區卽財產充溢之地十家之村且有墟集矧壤貨山積之爲通

闔貿易哉且夫空茲可以落鳥忱於志也焦頭不如曲突預爲防
也邪之中人乘乎氣虛善醫者得醫之意舍標治本所必儲藥籠
中物也水之朝宗要於就下瀦水者順水之性挹彼注茲無所謂
河海細流也匹夫聚處編草爲廬家無擔石之儲尙必謹門戶固
扃鑰各備不時之需爲有無相通計其在易曰重門擊柝以待暴
客又曰日中爲市通天下之民聚天下之貨交易而退此物此志
也深溝固壘百雉金湯距人於千里矣府海官山萬貨輻輳迎人
於千里矣登登馮馮孔崇孔固熙熙穰穰弗征弗塵方今頑良共
治貧富聚域防閑之招徠之蓋有土有人之責已

